



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

---

**Broj: A-101/20**

**Datum: 14.04.2020. godine**

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj: 39/14) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

**ODLUKU**  
**o izboru najpovoljnijeg ponuđača**

**Član 1.**  
(Predmet odluke)

Ugovor o nabavci automobilskih guma za potrebe Tužilaštva – Tužiteljstva Bosne i Hercegovine, dodjeljuje se ponuđaču **RPM Glob Trade d.o.o. Ljubuški**.

**Član 2.**  
(Kriterij za dodjelu ugovora)

- (1) Ponuda ponuđača iz člana 1. ove odluke zadovoljava sve uslove utvrđene u predmetnom konkurentskom zahtjevu za dostavu ponuda.
- (2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Konkurentskim zatjevom za dostavu ponuda.

**Član 3.**  
(Stupanje na snagu)

Ova odluka stupa na snagu datumom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: A-101/20 od 04.03.2020. godine. Javna nabavka je provedena putem konkurentskog postupka. Procijenjena vrijednost javne nabavke bez PDV-a je 8.547,01 KM.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-1-69-3-1/20 od 05.03.2020. godine i ispravka obavještenja: 435-7-1-69-8-2/20 od 12.03.2020. godine. Primljene su četiri ponude ponuđača: EURO DAM-JAS d.o.o. Lukavac, Guma M d.o.o. Mostar, RPM Glob Trade d.o.o. Ljubuški i Unitrade d.o.o. Ljubuški.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2020. godinu, broj: A-450/19 od 26.12.2019. godine, članovi Komisije (u daljem tekstu: Komisija) izvršili su pregled i ocjenu ponuda i utvrdili su sljedeće:

Ponude ponuđača EURO DAM-JAS d.o.o. Lukavac, Guma M d.o.o. Mostar i RPM Glob Trade d.o.o. Ljubuški su prihvatljive, dok je ponuda ponuđača Unitrade d.o.o. Ljubuški neotvorena vraćena istom, obzirom da je rok za prijem ponuda prema tenderskoj dokumentaciji na protokol Tužilaštva BiH bio 23.03.2020. godine do 10:30 sati, a budući da je ponuda Unitrade d.o.o. Ljubuški zaprimljena na protokol Tužilaštva BiH dana 23.03.2020. godine u 11:00 sati, evidentno je da je zaprimljena nakon isteka roka određenog za prijem ponuda.

Konkurentskim zahtjevom predviđena je e-aukcija, koja je i provedena dana 08.04.2020. godine. Na e-aukciji su aktivno učestvovala dva ponuđača: Guma M d.o.o. Mostar i RPM Glob Trade d.o.o. Ljubuški, dok ponuđač EURO DAM-JAS d.o.o. Lukavac nije učestvovao. E-aukcija je uspješno završena, te je najpovoljniji ponuđač nakon završetka e-aukcije RPM Glob Trade d.o.o. Ljubuški.

Shodno navedenom, članovi Komisije su uputili preporuku glavnom tužiocu Tužilaštva-Tužiteljstva Bosne i Hercegovine za izbor ponuđača RPM Glob Trade d.o.o. Ljubuški, koji je ponudio najnižu cijenu, a čija ponuda u potpunosti ispunjava uslove za nabavku predmetnih roba.

Uzimajući u obzir navedeno, odlučeno je kao u dispozitivu ove odluke.

#### **Pouka o pravnom lijeku**

Žalba se izjavljuje Uredu za razmatranje žalbi Bosne i Hercegovine putem Tužilaštva – Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Dostavljeno:

- Ponuđačima,
- Odjelu za mat.-fin. poslove.

